

SEMINAR PSIKOLOGI POSITIF 2018

Oleh : Mohd Basri Basir

ARAU – Lebih 500 pelajar calon Sijil Pelajaran Malaysia (SPM) dan Sijil Tinggi Pelajaran Malaysia (STPM) mengikuti Seminar Psikologi Positif 2018 anjuran Pusat Pengajian Pembangunan Insan dan Teknokomunikasi (IKOM) baru-baru ini. Penganjuran Seminar Psikologi Positif merupakan satu inisiatif lonjakan akhir Pelajar SPM dan STPM dalam membantu masyarakat di negeri Perlis terutamanya golongan asnaf selain dari tanggungjawab sosial universiti (USR).

Naib Canselor UniMAP, Dato' Prof. Dr. Zul Azhar Zahid Jamal berkata, melalui penganjuran seminar itu, beliau berharap agar dapat memberikan anjakan paradigma kepada para pelajar tentang pentingnya pendidikan yang bakal menjamin peluang kerjaya yang lebih luas seterusnya membantu mengubah nasib keluarga. Sesi ceramah disampaikan sendiri oleh Dekan IKOM UniMAP, Prof. Madya Dr. Huzili Husin.

